

太清金液神氣經卷下

吳元

衆真授許先生經杜從事處具有十卷今抄取其要此人有郭子華張季連趙叔達晚又有山世遠者此諸人往來與之遊焉在武當山今在大霍山欲從司命君授書未許焉戴公拍腹有許卷書耳此人即謝允之師也黃水重者即玉珮金璫之官耳云座上常有一人共坐腩腩者即太極真人時往來也受行玉珮金璫經自然致太極真人諺云服九靈日精月華得降我太極之家此之謂也玄真之法亦其鈔要也行之者神仙不死

良常山有螢火芝此物在地如螢火狀其實似草而非也大如豆紫華夜視有光食一枚心中一孔明食至七枚七孔明可夜書計得四十七枚壽萬年也山中有白芝又有隱泉之水正紫色

華陽雷平山有田公泉水飲食之除腹中三蟲與隱泉水同味云是玉沙之流津也用以浣衣不用灰以此為異也

昔高辛時有仙人展上公者於伏龍地植李

彌滿其地展先生今為九宮右保司其常說向人云昔在華陽下食白李異美憶之未久而忽已三十年矣其處種五果此地善可種李所謂福鄉之李以除災癘

今舍前有塘乃郭四朝所造也高其塘岸益水得深但歷代久遠塘牆頽下耳四朝常乘小船游戲其中叩船而歌曰

清池帶靈岫長林鬱青葱玄鳥翔幽野悟言出從容鼓檝乘神舟稽首希晨風未獲解脫期道遙丘林中浪神九陔外研道遂全真戰此靈鳳羽藏我華龍鱗高舉方寸物萬吹皆垢塵顧哀朝生慧孰盡汝車輪

遊空落飛颺虛步無形方園景煥明霞九鳳唱朝陽揮翮扇天津瞻靄慶雲翔遂造太微宇挹此金梨漿道遠玄陔表不存亦不亡駕欲儻神霄披霞帶九日高皇齋龍輪遂迴北華室神虎洞瓊林風雲合成一開闔幽冥戶靈變玄迹滅

趙康伯者東郡人也少學邯鄲張先生得道之人耳晚在中嶽受玉珮金璫經河圖云吳

楚多有得見太平者其常語人云此語不虛此驗甚久

樂長治主災害鄭維政主考注唐公房主生死趙威伯主仙籍并記學道者并暴雨水靈芝草

七月二十七日禺中訖主簿華侯當入靖中爾時無復所有為防未然耳

八月六日父母將赤子入靖燒香北向陳乞於三君爾時自當有前日碧衣介華袴人來在靖前立徘徊者小君也可就乞請也

八月六日中當有一人著平上情鬚鬚長爾著紫皮袴褶將黃城來此人是鬼帥王延也延自為人作益為將娥見人耳娥其目或當被縛華書吏其日當內井上助主人耳日中當來須臾去也

玄感妙象外和聲自相招靈雲鬱紫晨蘭風扇綠帔上真宴瓊臺邈為地仙標所期貴遠邁故能秀穎翹翹彼八素翰道成初不違人事胡可預使爾形氣消

右四月二十七日夜南嶽夫人作

太上宮中歌曰

手把八雲氣英明守二瞳太真握明鏡鑒照日月鋒雲儀拂高閣開括泥丸宮萬響入百關嬌女坐玄房愈行愈鮮威英靈自爾通此歌正言耳目之經也我滄浪方丈仙人常寶

而為道也出太上四明玉經中傳行以青金為誓然後乃施行耳

變景落滄浪騰躍清海津絳煙亂太陽羽蓋傾九天雲興浮空洞倏忽風波間來尋冥中友相携侍帝晨王子協明德齊首招玉賢下盼八阿宮上寢希林巔漱此紫瓊腹方知除穢幸佳人將安在懇之乃得親

右七月二十六日夜雲林右英王夫人諭書見與勿答

擬駕東峯人停景招隱靜仁德乘彼來但會三秀積靈芝信可食使爾無終永喻真獻金漿不待百丈井

右八月十六日夕清靈真人授此年六月憂長史不佳非重疾也今年許家鬼注小起雖爾無可若保命及范中候已為

申陳之右師辰許肇亦深以為慮無憂也可迎黃民來出民奴既欲來又云其月末左右當小小疾患迎來在此則疾患除也

當部分護靜屋以為急并欲得一室可棲息處今年欲取草當為民奴留之草今年自有

本命危非欲取也令其乞符自保而帶之卧牀後孤有懸風可安北面下一障亦可以牀

著近北壁下勿使虛懸晨夕當心存拜靜心存行道也

民有霍亂疾勿使冷食此是常不大宜住彼今自無他耳

右易連一夕再來道此先初來之又與保命俱

夜卧覺存日象在疾手中挫之使日光赤芒從臂中逆至肘腋間良久日芒忽變成火以

燒臂使內外通匪洞徹良久乃陰祝曰四月初上日月氣分流光煥耀灌液凝神大

火散景蕩穢鍊煙洞徹風氣百邪燔然使得長生四支完全注害拷鬼收付北辰畢存恩

良久投身自忘

右保命說此云按消魔上秘祝法

岡山東北有穴通大向曲南方山之南穴姜伯真數在此山上取石腦石腦在方山北穴下繁陽子昔亦取服此北時山中亦有此物石腦故如石但小班色而較耳所在有之服

此時時使人發熱又使人不渴

人死必視其形如生人皆尸解也視足不青皮不聚者亦尸解也要目光不毀無異生人亦尸解也白日尸解自是仙非尸解之例也

許長史今所營屋宅東面有小山名雷平山周時有雷氏養龍來在此山後有姜叔茂田

公亦居焉其山北有柳汧水或名曰田公泉以其人會居此山取此水故也

彭文閣慶等自與先生別後各溺於世事不能卒其學戒曰學道如穿井形愈深而去土

愈難運出自當披其心正其行乃得見泉源耳有人說季中候言如此可令知之人學道

譬如萬里行比造所在寒暑善惡草木水土無不經見也亦試在其中也頃數聞人道此

始乃悟之耳彼君念想殊多渠能成遠志乎

昔時常多所恨始人難作而善不可失云學道者除禍責此審爾當勸

右易遷夫人所道

大學道者當得專道注真情無散念輟身修保沖泊寂焉如窈有所觀庶然如潛有所得專專如造於深谷戰戰如履於薄冰始得道之門耳猶未得道室也所謂為難者學道也所謂為易者學道也寂玄洗味保和天真注神棲靈毓研六府惜精下氣無視無聽此道之易也即是不能行此者所以為難也許侯研之哉芥子壘之哉

右右英所道令疏彼君勤其事者有獲福者多也墮之者禍敗積矣范師所言不知道誰

昔有一人好道而不知求道之方唯朝夕拜跪向一枯樹輒云乞長生如此二十八年不倦枯木一旦忽然生華又有汁甜如蜜有人教食之遂取此華及汁並食食訖即仙矣如是用心精誠之至也枯木尚能生紫華濯甘津况三秀之靈柯五芝之所播種而不能數恭

山岫洗拔滓穢者良可悲也世人所以每不得如意者亦如子所不得如意耳豈異也昔有劉少翁曾數入太華山中拜禮向山如是二十年遂忽一旦得見西嶽丈人授其仙道昔有一人旦旦詣河邊拜河水如此十年河伯遂與相見與其白璧十雙教授水行不溺法此人見在中嶽得道

左慈初來亦動心數拜禮靈山五年許乃得深進內外東西宮耳學道當如山世遠去人事當如清靈真人步深幽當如周紫陽何有不得道邪建志當令勤研神當令虛所作當令密

右定錄君所道使疏

紙二百酬鬼神王延執錄書以得災會有功油三斗酬鬼神傳是近與功曹使者合勢成敗大鬼形使不得為暴青縑三十疋酬鬼神范強近執裁百惡滅訟散禍有功銀釵三枚酬鬼神徐衛近防護疾者招克安神使塚訟不行有殊功  
右四條晚以六月十三日小茅君假作玉

斧之形以菓告於虎牙使令夫婦明諭此四種賤以酬四帥之禽鬼者何不復憶此可餘問此四鬼神亦是道家之靈官也得下解法受書為鬼神耳既有酬賤復長為己用心也所以夢假於玉斧之形者虎

牙魂魄永得通接仙真故也玉斧清了潔潔久齋濯魄心近於仙故假象以通夢也通夢而猶不悟可謂信之不篤或悟而忘其晚可謂篤而不思夫晚可謂篤而思夫晚者皆命密文慎不可令人知外書云我聞有命不可以示人乎六月三十日夜

小君投書密示之真司科云有用力於百鬼騎帥御於天威者宜須此賤子喬兄第七人得道五男二女  
扶晨始暉生紫雲映玄阿煥洞圓光蔚晃朗

濯耀羅眇眇虛景元森灑空清華九天館王賓金房唱霄歌

右大洞真經中篇今鈔數行

外國呼曰為濯耀羅方諸真人呼曰為圓羅曜夢此濯耀者日之應也紫雲中人者胎宮

神也玄真之道矣日德蔭澤長生之象紫雲  
網晨魂魄安之也身康神寧從此始矣辭四  
通已呈意氣和安

也 右右英疏大洞真經言以釋濯羅羅之義

凡夜行常當叩齒不止無限數也殺鬼邪鬼  
常畏珠齒聲故不得犯人也若兼之以漱咽  
祝說益善今六天之橫縱而太平微薄靈不  
足以助順適足以招群奸所以神光拔越而  
邪乖正任矣高齡之無德久矣鬼訟之紛錯  
積矣許祿將欲理之邪若翻然奉張諱道者  
我當與其符使服之如此必愈而即豁矣不  
然往詣水官所謂嗚呼哀哉衰年體瘦多為  
風寒所乘當深願養宴此無事上味玄元棲  
守絳津體寂至遠心研內觀屏彼萬累蕩除  
他念乃始近其門戶耳若憂累多端人事未  
省雖復憩靈空洞存淡繚綿亦弗能速也源  
陽田豫曰人以老駝車輪者譬猶鐘鳴漏盡  
而夜行不休是罪人也以此論老者嗜好行  
來屑屑與年少為黨耳若今能誓不能行者

則立愈矣如其不爾則疾與年偕可與心共  
譏邪

藥四九日服一行來宜詳前後已累言  
傳駕望舒移迴輪及滄浪未覩若人遊偶想  
安得康良因俟清春以叙中懷忘

右右英夫人吟此再三

受書則師乃恥之邪真心既有不盡獲考者  
非一人子經師蘇林守一虎牙當先齋受其  
或能得此度世幾未可量也暮卧存星之時  
皆先陰祝星名然後存耳呪畢乃存星安卧  
其中也然後容叩齒祝九星太精微誠因理  
感積精洞幽真排徊乘雲鍊靈像憑紫煙眇  
眇曜圓羅斐斐駕飛輪玄翰啓矇昧顧景思  
自新

道家有二一法謂有二一一條方術之事  
雖修方術能形變神化坐在立亡飛行空虛  
出入無間役使鬼神隱海藏山分形別體束  
縛萬軍而皆不能長生度世與道無窮無窮  
之道在乎功德於人物而無以點身不誠不  
虔於師匠章奏析無益也

凡師皆宜盡節邪朝半時節皆宜先朝禮經  
師然後行道

右一條許先生言

雷平山之東北有山俗人呼為大潢山其實  
名鬱岡山也名山記所謂岡山者也下有泉  
水昔李明於此下合神丹而昇玄洲水邊今  
猶有處所此山正東面有古時越翳王塚

右定錄言

若弟子有心者按摩疾處皆用此法但不復  
令臨目內視咽液叩齒耳昔唐覽者居林慮  
山中為鬼所擊舉身不收已如綿囊有道人  
教按此法皆即除也

北帝曲折之法諸疾有曲折者用此法皆佳  
不但風痺不收而已也鄭都北帝有此數法  
亦參於高仙家用也又有曲折經藏著西明  
公處

右說北帝曲折諸祝法

夫風考之行也皆因衰氣之間隙耳體有虧  
縮故病來侵之也若令差愈誠能有周旋之  
役者必風疴除之也今當為攝制塚注之炁

爾既小佳亦可上塚訟章我當為關奏之也於是注氣絕矣

昔鄧雲山亭當得道頓兩手不收吾使人語之令灸風細曲津兩處耳六七日間便得作五禽按摩也若針力訖當語所灸處又存心行道亦與身行之無異也

昔趙公成兩脚曳不得起旦夕存拜太上如此三十年太上遣真人賜公成流明檀栴散一劑即能起行後遂得道今在鶴鳴山下夫心存拜及心行道之時皆燒香左右如欲行事之狀也此謂納研太玄心行靈業棲息三宮宴神六府者矣

右保命言

太清金液神氣經卷下

第九

十一

太清經天師口訣

與十

夫口訣者蓋神仙衆經之大訣欲求神仙千方萬術而不得此訣者終不能成也神祕至重萬金不傳若有所傳當本經一一口授不得頓以文也依科盟書用黃金八兩黃布四十尺白銀八兩白絹四十尺為信限一百年

內得傳一人歎丹為盟不宣之約若一朝違科傳非其人違負漏泄天帝殞仙永謝玄路泰玄仙都使心迷意亂萬向傾敗九老仙君使精神昏濁所學無成太一司錄不上生錄

三天司命減算伐年殃及七祖受罰於太玄都太清神丹經訣按本經作華池如本經說唯以穀五升以水漬令生芽乃曝令乾搗篩以內華池中合諸物攪之乃得成也若不生穀藥則華池不成此大道之要也以水金玉

五石金銀珠鉛皆化為水其法在三十六水經皆須華池而成也

水真珠法大者細篩之率一斤加硝石末二兩內鳥翻中刻木塞兩頭漆骨坑之亦可蠟窰塞口納華池中亦可納醇苦酒中封閉瓶

口七日以外數數者之慎勿開鳥翻口當向日看之成以否其成水之時狀如水銀在鳥

翻中服如梧子朝服一百日神仙矣若未成水還納大醋中以成水為度亦可取雜小珠消鍊之如上法以瀉珠模中作大珠也可

取蚌蛤光明白淨者打破擇取精白者率一斤亦加硝石二兩合搗細篩納鳥翻中消之如上法以瀉珠模中凝之成真珠意大小之亦作餘器物也

消鉛錫為水銀法取鉛半斤錫半斤合錄令相得打令薄削之如韭葉取生竹筒削去上表令薄如絹以削成鉛錫納其中加硝石二兩覆藉上下剋竹節合際令密漆其口勿令泄氣取三年醇大醋於甕中漬之以蠟窰甕口勿令泄氣四十五日即成水銀以填金不入丹用

銀雪法本經云取汞一斤華石十五兩合治令熟者當以醇大醋煮水銀九日夜大醋欲盡輒隨盡之水銀即凝乃末之以和華石也若有雜丹鍊合衆藥及諸方術所用水銀